

Poštovana gospođo i draga naša Guvernerka,

Prije svega nadam se da ste zdravo i dobro. Nastojat ću u kratkim crtama prikazati rad našeg Rotary Cluba Lukavac za 2019/20 godinu. Nakon preruzimanja funkcije predsjednice kluba, već na samom početku ove Rotarijanske godine, bili smo posvećeni planiranju i organizaciji Charter ceremonije 10 godina postojanja RC Lukavac i 5 godina postojanja RAC Lukavac. Bilo nam je zadovoljstvo ugostiti Vas na ceremoniji, a i sami ste sudjelovali u pinovanju naše nove članice. Dakle klub je u ovoj godini postao bogatiji za jednog člana, a do kraja mog mandata je najavljen još jedan potencijalni član, koji nažalost zbog trenutnih okolnosti nije uspio prisustvovati sastancima.

Kada je riječ o članstvu, od septembra 2019 godine, naš IAC Lukavac je izuzetno obogaćen članstvom (broji oko 50 članova) i aktivnostima koje su ambiciozno krenuli sprovoditi. O tome ćete biti detaljnije obavješteni kroz Izvještaj rada Interact kluba. Možemo reći da smo izuzetno zadovoljni i sretni radom Interact kluba. Nažalost Rotaract club nije imao značajnijih aktivnosti, obzirom da imamo globalni problem odlaska mladih generacija iz našeg grada u druge gradove ili države. Svjesni smo da na tom "problemu" sa članstvom Rotaracta, trebamo se više angažovati.

Projekat koji smo planirali realizovati u ovoj godini bio je District Grant "[Dječiji parkići](#)", na sastancima je često bilo razgovora o navedenom projektu i ideja kako ga što efikasnije realizovati. Obzirom da nismo krenuli u nabavku dječijih sprava za parkiće prije marta 2020 godine, novčana sredstva odobrena za ovaj projekat smo uz odobrenje Rotary Interational, preusmjerili na projekat vezan za COVID-19.

U kontaktu sa menadžmentom Doma zdravlja u našem gradu (obzirom da nemamo bolnicu), tražili smo informacije šta je u datim okolnostima potrebno ustanovi, a da može pomoći u borbi sa COVID-19. Već tada su u našem gradu bila osposobljena dva izolatorija za oboljele osobe, ali sa nedovoljno medicinske opreme u vidu medicinskih uređaja. Maske i zaštitna odijela, te dezinfikaciona sredstva su već bila obezbjeđena od strane lokalnih privrednika kao donatora, pa je naš klub u skladu sa novčanim iznosom kojim je raspolagao, nabavio dva [EKG uređaja](#), koji će se koristiti u izolatoriju, a nakon pandemije bit će dugoročno korišteni u samoj zdravstvenoj ustanovi u sklopu redovnih medicinskih pregleda. Uređaje smo nabavili u roku 7 dana i uručili menadžmentu Doma zdravlja, što je bilo i medijski popraćeno, te našem klubu donijelo izuzetnu publikaciju.

Osim Distrikt Grant projekta, naš klub je već bio u pripremi da realizuje tokom aprila i mali projekat pomoći našem "Malom svijetu" centru za ranu intervenciju autizma. Riječ je o doprinosu naših članova, tako što bismo napravili radnu akciju i unutar centra obezbijedili izgradnju neophodnih (uređenje pregrada-zidova) nekoliko soba u kojima se vrše terapije neurofeedback uređajima.

Kao i svima nama u okruženju, a i svijetu, mnogi planovi su odgođeni zbog trenutne pandemije. Tako da realizacija naših projekata čeka neka ljepša vremena. U ovakvim novonastalim okolnostima sastanke održavamo putem vibera. Osim termina predviđenih za sastanak često komuniciram sa članovima našeg kluba, jer prije svega smo postali izuzetno dobri prijatelji.

Bila mi je čast i lično zadovoljstvo upoznati Vas. Zahvaljujem se u ime svih članova Rotary Cluba Lukavac i svoje lično ime, na Vašem dolasku u naš klub i gostovanju na Charter ceremoniji.

Želim Vam svako dobro!

Omerović Emina

Predsjednica RC Lukavac za 2019/20

<https://www.facebook.com/RotaryLukavac>